

# Balɛa gba Polo pi omabhuka na gɔdɛɛ na Kolosai

## Eli na kalanɛ

Polo aye nani balɛa inde pi okpála na Dadjua na Kolosai, gɔdɛɛ na Adji Minele ne Efeso. Dadjua ang-o, Polo 'o nani ngae de, la-a, adɛ nani bhú ndu doto inde li Polo adɛ atsia 'kpí lie ngae. Abhomɛ-o, ani atsia atima okpála na kulu nayie bhú Efeso, 'ngbé gɔdɛɛ na ndu doto na ngámá gba okpála na \*Loma inde bhú Adji-o. Padhá de, anga Polo adje nani me omɛsuno na eu abhú Dadjua na Kolosai. Ta ngú nasuno ang-o adɛ me ngɔbula nambila Ebhe ne nadɛ ne mɔkobho na kɔkɔlɛ-o, a ayo nadhegɛ \*obhelesi okpála koko di ne ongámási na Ebhe. La-a, omɛsuno bhomɛ-o apa me, a ayo naziba namene ongú koko maka nakodho gandja, amba u kpata li lelele ongú pindji oehe nazɛ mazɛ, ne pindji ongú koko.

Polo aye balɛa pindji nasuno na kɔkɔlɛ gba makilisito ngɔbula naboyo onasuno na eu ang-o ko. Engú na ngbéngbé ani agie e, a ko me Yesu \*Kilisito ne angu ngú naha mɔkobho na kɔkɔlɛ. La-a, \*omabhuka koko ne ndɛ ongú u ngamene e ngato bha kpála bhú ngita. Li pápá gba Kilisito, Ebhe abho doto. La di li pápá gba ani-e, Ebhe atsia agie ndɛ oehe na doto hana pi ani. Yi dɛ bhú makpɛsɛ ne Kilisito de-e, mɔkobho dá pi okpála na doto de. Pipita-a, Polo ngapana mbámbá nasuno inde ngbéngbé inde pi omabhuka ngɔbula mɔkobho gba o-o.

Tisike inde anɛ ne balɛa gba Polo abhú Kolosai-e, adholo bhú dabili bini ne Onezime inde bali li Polo aye balɛa li 'ngú gba e pi Filemo-o.

Ongbengbe ongú inde bhú bhuku inde-e ngae inde:

Eli na kalanɛ 1:1-8

Mɔkobho gba Kilisito ne kulu gba e-o 1:9 – 2:19

Mɔkobho na mbia bhú Kilisito 2:20 – 4:6

Eli na soso 4:7-18

Polo yi omabhuka na gɔdɛɛ na Kolosai mayi

**1** <sup>1</sup> Ngama Polo, ma ne \*bhulɛ titima gba Yesu \*Kilisito . Padhá de, anga Ebhe akɔnda ngae, a la die-e Timoté, \*ndai ní. Ya aye balɛa inde-e <sup>2</sup> pi okpála na bububu di na ngbingbili gba Ebhe inde bhú gɔdɛɛ na Kolosai, ondaise ní na mɔkɔnda inde abhuka Kilisito. A ayo me Ebhe 'Dyi ní tuko bisagu pí yi, amba ani ha di \*guo 'ngú pi yi.

Polo agie heni pi Ebhe

<sup>3</sup> Ya ngagie heni pi Ebhe, 'Dyi Ngámá gba ní Yesu Kilisito ndɛ nedhinga hana ya ngayo Ebhe pi yi lie-o. <sup>4</sup> Padhá de, anga ya adje engú pindji \*nabhuka gba yi bhú Yesu Kilisito, di ne mɔkɔnda yi nde ne e pi ndɛ obubu okpála gba Ebhe-e hana-o. <sup>5</sup> Li ngali na kɔkɔlɛ 'ngú, inde \*Bádha Ngali akolo lie bhɛtsibhɛtsi na kalanɛ agba yi-e, yi atsia ambila 'ngú li engú inde li Ebhe awo e pi yi abhú-lá-o. Abhomɛ-o, nabhuka gba yi ne mɔkɔnda gba yi-e atsia alɛ pí engú inde yi nga'o 'to yi 'to e ang-o-o. <sup>6</sup> Bádha Ngali ang-o-o ngayanga, a la di ngazu nguwa pɛla doto libhomu. A amene bhadi pi yi moko li 'kpí inde yi adje engú lie pindji \*bádha bhú 'bu gba Ebhe-e lie-o, di ne yi ambila lie me bádha bhú 'bu ang-o-o kɔkɔlɛ-o. <sup>7</sup> Epafaladje, ndai ní na mɔkɔnda bhú kulu apa engú ang-o-o pi yi ngae. Ani ngamene kulu pi yi maka kpála na kulu na kɔkɔlɛ gba Kilisito. <sup>8</sup> Ani akpokpo 'ngú pi ya pindji mɔkɔnda inde li \*Bu Bhubua aha e pi yi-o.

<sup>9</sup> Kaka-a, nayie li ekpí ya adje engú gba yi-e lie-e, ya ndala li nayo Ebhe pí yi de. Ya la di ngayo ka Ebhe me ani ha imbilangú na kpokpo kú 'ngú inde ngayie ka Bu Bhobua gba ani-e pí yi. Abhomu-o, yi tsia mbíla 'ngú inde ani akúnda me yi mene e-o. <sup>10</sup> Yi tsia kóbho maka li Ngámá akúnda lie-o. Yi tsia méne di ndú 'ngú hana inde ani akúnda e-o. Yi méne ndú 'ngú na babadha hana, yi tsia mbíla Ebhe ndjindji. <sup>11</sup> Ya ngayo ka Ebhe me ani bedhe yi ne angu na asasaua gba e bhú ndú 'ngú hana, ngúbula me yi kibila ndú 'ngú hana ne 'ndjá bua. <sup>12</sup> Yi gie heni pí 'Dyi ní Ebhe ne djali hana. Padhá de, anga ani aha angu pí yi ngú nasia tia inde ani awo e pí okpála gba e bhú \*katí na mundeysi na zi 'ke-o. <sup>13</sup> Ani agbegbe ní bhú angu na biti, ani atsia a'o ní bhú katí gba e na mundeysi gba Ndili gba e na mukúnda-o. <sup>14</sup> Li pápá gba ani-e, Ebhe agbegbe ní bhú bali. Ani atsia ambu di li siti 'ngú gba ní-o.

Lele maka li Yesu Kilisito nde lie, la di ne kulu gba e-o

<sup>15</sup> Ebhe inde u tí da nau e de-e ngau lie bhú Kilisito.

A ko Ndili na kalanu,<sup>a</sup>

inde di pí 'ndji ndú 'he hana li Ebhe abho e-o.

<sup>16</sup> Padhá de, anga Ebhe abho ndú 'he inde abhúlá ne bhende akuto-o hana li pápá gba ani:

oehe inde u ngau e,

ne bhende u uu e de,

\*osisiti bua inde ngau abhúlá, ne píla doto, inde la di ne angu.

Ebhe abho ndú 'he hana li pápá gba ani.

Ani abho la di ndú 'he angu-o hana pí ani.

<sup>17</sup> Kilisito bhú mukobho kala ndú 'he hana.

La di-e, ndú 'he hana inde bhú mukobho-o ala li kúte ani.

<sup>18</sup> Ngaani-e, a ko 'ndji kúte, inde Piga gba Ebhe-o.

Mukobho na mbia-a akpo lita e bhú ani, ani ne Ndili na kalanu-o ngae.

A ko kpála na kalanu inde u azuku e bhú ká okpála inde amu,

ngúbula me ani dú kpála na kalanu bhú ndú 'he hana ngae.

<sup>19</sup> Padhá de, anga Ebhe apa me ní adú ndú 'kpí hana bedhe má kpaka bhú Ndili gba ní-o.

<sup>20</sup> La di-e, ani agie nadje lío ne ndú 'he hana li pápá gba Ndili gba e-o.

A na paká me li Kilisito atuko ngúte e lie li kulusi-e,

ani agie nadje lío ka Ebhe ne ndú 'he hana inde abhúlá,

di ne bhende píla doto-o.

<sup>21</sup> La ngayi-e, yi adú nani de Ebhe tsutsu. Yi adú obhúlu yala gba ani ka ndú sisiti 'ngú hana inde yi adú abhundja e, di ne bhe yi adú amene e-o. <sup>22</sup> Engú bini, kabula nakpi inde li Ndili gba ani akpi e li kúte e-e, Ebhe aholo matá nadje lie ne yi. Ani amene mo-o ngúbula me yi kolo kala ní bubu, amba yi adú bhú zibotú de, yi adú la di bhú siti 'ngú de. <sup>23</sup> Kaka-a, a ayo me yi lu kpekpeke bhú nabhuka. Yi ayie li kpadji na Bádha Ngali-e de, anga a ko ehe inde ní nga 'o 'to ní 'to e ko. Yi adje Ngali angu-o, u atsia akpokpo di pí ndú okpála hana. Ngama Polo, ma akolo kpála na kulu na Bádha Ngali angu-o.

Polo ngadje líkabhu, ani di ngagu gbele ngú omabhuka

<sup>24</sup> Mbía inde-e, ma ngakpi djali ngú líkabhu inde ma ngazu e ngúbula yi ko. Padhá de, anga bhú kúte ma-a, ma ngabedhe bhomu-o bhé líkabhu inde li Kilisito a neke e ngúbula kúte e, inde Piga gba Ebhe-o. <sup>25</sup> Ma akolo kpála na kulu na Piga gba Ebhe, nakpata lele kulu inde li Ebhe aha e muma ngúbula yi-o. Ani aha muma kulu nakpokpo ngali gba e

<sup>a</sup>1:15 Ndili na kalanu: A akúnda napa me: ani adú nani bhú mukobho kala ndú 'he hana inde li Ebhe abho e-o.

hana. <sup>26</sup>Ngali ang-o, a ko engú gba ani inde ani awo nani e bhutode pi ndu okpála hana. Engú bini, mbia inde-e, ani ambamba tata pi \*omabhuka gba e-o.

<sup>27</sup>Padhá de, anga Ebhe akúnda nambamba ta engú gba e inde ani awo nani e mawo-o pi uo. A ko engú inde ndjindji naali, ne asasaua, inde ani aleke e pi ndu okpála hana. Engú ang-o ngae inde: Kilisito bhú yi, ani atsia apa pi yi ndjindji me yi alí bhú Asasaua gba Ebhe inde yi nga'o 'to yi 'to e-o. <sup>28</sup>Kaka-a, ya ngakpokpo ngali gba Kilisito pi ndu okpála hana. Ya ngagbele 'dje okpála ne naha lífi pi uo ne imbilangú hana, amba kpála ne kpála bhele bhú nabhuka bhú nakpètse lío ne Kilisito. <sup>29</sup>Kaka-a, ma ngamene kulu, ma la di ngagú gbele ne angu inde ayie ka Kilisito, inde la di ngamene kulu bhú ma ne angu hana-o.

**2** <sup>1</sup>Ma akúnda me yi mbila ndjindji me gbele inde ma ngagú e ngú yi-e kpekpeke. Ma ngagú gbele ang-o pi okpála na Laodikia, la di pi okpála koko inde i u nga ma de-o. <sup>2</sup>Ma akúnda me bua uo bedhe ne masi bedhe. U du bini bhú mukúnda, u du la di ne djali hana bhú engú lí imbilangú na kúkú-o ngaha e-o. U tsia ti da nambila engú gba Ebhe inde awo lí e mawo-o. A akúnda napa me, a ko \*Kilisito ngae makpe. <sup>3</sup>Ndu otia na imbilangú hana inde ayie ka Ebhe-e awo lie bhú ani. <sup>4</sup>Ma ngapa 'ngú bhomu-o, amba kpála bini apíte yi ne babadha eli na eu de. <sup>5</sup>Abana ma nde lie de yi tsutsu bhú kate-e, ma ne yi bhú dabilí bini lí bhobua. Ma la di ne djali ngú nau me agba yi-e, ndu 'ngú hana ngadholo lí kúkú, yi ala la di kpekpeke bhú \*nabhuka bhú Kilisito.

Yi lu kpekpeke bhú nabhuka inde u asuno e pi yi-o

<sup>6</sup>A na paká me yi asia Yesu Kilisito maka Ngámá. Kaka-a, yi du bhú makpètse ne ani. <sup>7</sup>Yi to sie yi bhú ani, mukobho gba yi du la di me a nde ala bhú ani. Yi du ndu 'kpí hana me yi nde ala kpekpeke bhú nabhuka, nakpata lele nasuno inde yi asia e-o. Yi bedhe ne nagie heni pi Ebhe.

<sup>8</sup>'Ee! Yi lila liyi me kpála bini aholo yi lí ekú ne obabadha oeli na eu, di ne imbilangú gba kpála-kúti de. Padhá de, anga a ngalu pí nasuno gba okpála, a di ngalu pí angu na obua na doto inde. A ala pí Kilisito de. <sup>9</sup>Padhá de, anga ndu 'ngú hana inde bhú Ebhe-e asia kate bhú Kilisito. A la di ngadu hana libhomu bhú ani. <sup>10</sup>Yi asia la di ndu 'ngú hana má kpekobhe bhú Kilisito. Ngaani-e, ani ne angu pí 'ndji \*osisiti bua inde ngau, inde la di ne angu-o.

<sup>11</sup>Bhú nakpètse liyi ne ani-e, yi alí gandja. Gandja ang-o, akodho ne 'kpa kpála de. Engú bini, gandja ang-o ayie ka Kilisito, ngubula nagbegbe yi bhú 'ngú inde adu ato yi bhú siti 'ngú-o. <sup>12</sup>Padhá de, anga lí yi asia batisimo lie-e, u azi yi bhú dabilí bini ne Kilisito. Yi atsia azuku la di bhú dabilí bini ne ani. Padhá de, anga yi abhuka angu gba Ebhe inde azuku ani bhú ká okpála inde amu-o.

<sup>13</sup>Nani kalanu-o, yi adu me yi nde amu lí bhobua yi amu kabula siti 'ngú gba yi-o. Padhá de, anga yi adu me yi nde lí gandja de. Yi adu la di omupagano. Engú bini, mbia inde-e, Ebhe amene me yi du bhú mukobho ne Kilisito. Ani ambu lí sisiti 'ngú gba nf-e hana. <sup>14</sup>Ani abalu balua inde adu na'o 'ngú pí nf, inde adu di napa 'ngú lí nf sisiti ka ongú inde u aye e bhúbhú-o. Ani abhøle engú ang-o lí u abhi ani lie lí kulusi-o. <sup>15</sup>Ka kulusi gba Kilisito-o, Ebhe a'e angu gba osisiti bua inde ngau, inde la di ne angu-o. Ani atsia asuno nayie ka uo mbámbá maka okpála na 'kpú inde ngadhuku bhú galasisi lí Ndili gba ani aha angu uo lie-o.

<sup>16</sup>Kaka-a, yi a'ó kpála bini de me ani 'o 'ngú pí yi pindji ezú inde yi nde ngazú e, di ne engu inde yi ngandji e, i du di-e pindji engú na \*anokomia , i du di-e ne epe inde akoto na mbia, di ne \*ekpí naguo de. <sup>17</sup>Ndu ongú bhomu-o hana ne kulu ongú na babadha inde ngago-o. Engú bini, engú na kúkú-o ne Kilisito. <sup>18</sup>Yi a'ó de me kpála bini 'o 'ngú pí yi-e de, okpála inde ngakpi djali bhú nakø lío ne kuto bhú namene ongú inde ngau lie mau-o de. La di ne bhú nayo \*oandjelu maka Ebhe-e, u ngaha lío pi ongú inde u ngau e-o.

U abedhe ne 'ngbé 'ndji li tata nde lie ade, li mabhundja gba o na kpála-kati ngatima me u mene e-o. <sup>19</sup> U ngayala nagbite lio li Kilisito inde maka endji na kate. Padhá de, anga kate ang-o libhomu ngasia angu ka Kilisito, a ngagbite la di lie bhú dabilí bini maka li Ebhe akánda lie-o.

Yi amu bhú dabilí bini ne Kilisito, yi la di ngakobho bhú dabilí bini ne ani

<sup>20</sup> Li yi akpi lie bhú dabilí bini ne Kilisito, yi atsia akoto bhú bali sakpa obua inde ngaé pí doto-o, la ka ni yi ngamene 'ngá lie maka okpála na doto? Ka ni yi aziba lie me u ha olíli pí yi me: <sup>21</sup> mo ohá ehe inde-e de. Mo olé ehe inde-e de. Mo obú 'kpa m̄ tété de.

<sup>22</sup> Angu na ndu 'he bhomu-o ngandjia hana má kpəkəbhə nedhinga li okpála ngamene kulu lie ne di-o. A bhomu-o olíli di ne nasuno gba okpála. <sup>23</sup> A na paká me olíli bhomu-o ngau lie maka bhende na imbilangə. Padhá de, anga a ngagama 'ngá pindji mayo gba okpála, di ne nakə lio ne kuto di ne namene kate o kpekpeke. Engú bini, olíli ang-o ne angu bini ade ngubula naha angu gumu na sisiti gba kate ní-o.

Yi gili ongu inde abhálá

**3** <sup>1</sup> Yi azuku bhú dabilí bini ne \*Kilisito . Kaka-a, yi gili ongu inde abhálá li bili li Kilisito adu lie li pá 'kpa na kokpa gba Ebhe-o. <sup>2</sup> Yi ha liyi libhomu ngubula engú na abhálá. Yi adu ne naha liyi ngubula engú na píla doto inde-e de. <sup>3</sup> Padhá de, anga yi amu, mukobho gba yi atsia awo lie bhú dabilí bini ne Kilisito bhú Ebhe. <sup>4</sup> Mukobho gba yi na kəkəlu-o ne Kilisito. La di-e, li ani asuno lie lie, yi azé bhadi ne uo bhú \*sangu-o bhú dabilí bini.

<sup>5</sup> Kaka-a, yi bhələ ogumu na doto inde li bhobua yi-e mabhələ: a ko zabhe, zibotə, gumu kate, gumu na sisiti, gumu 'he inde maka nayo ebhe na eu-o. <sup>6</sup> Ongua ongu bhomu ngagbele ke 'ngá gba Ebhe-e pí okpála inde ngandjo 'li ani-e ngae. <sup>7</sup> A bhomu-o lele maka yi adu nani lie li nedhinga yi adu amene siti 'ngá lie-o.

<sup>8</sup> La mbia inde-e, yi bala ndu ongu bhomu-o hana: ndu bua, nake 'ngá lio, ne \*siti bua . Sobho ne siti 'li akoto bhú 'bhe yi de. <sup>9</sup> Yi apá eu s̄nda yi de, anga yi a'o ká mukobho gba yi na didili-e ne ndu 'ngá ang-o hana. <sup>10</sup> La di-e, yi akolo bhú mukobho na mbia, anga yi akolo okpála na mbia inde li Ebhe ngamene lie me u kolo maka ni Ebhe gba yi, amba u mbila ni ndjindji. <sup>11</sup> Kaka-a, mbia inde-e, angu napa me: a inde-e omaYuda, obhende ne omaYuda ade, a inde-e okpála ali gandja, obhende i li gandja de-e matá ade. \*Ogandji okpála , di ne obhende i mbila lio ne nakobho ne okpála bhende bhú bali ade-e matá di ade. Obalise, ne okpála bhende bhú bali ade-e matá di ade. Engú inde pí ní ngbéngbé-e, a ko Kilisito, inde ale pí ní bhú ndu 'ngá hana.

<sup>12</sup> Yi ne okpála gba Ebhe. Ani abhu yi, ani la di ne mukunda pí yi. Kaka-a, a ayo me yi du ne ndjinga. Yi du ne bádha bua. Yi kə liyi ne kuto. Yi du ne \*guo 'ngá di ne 'ndjá bua. <sup>13</sup> Yi kibila liyi s̄nda yi makibila, amba yi du di ne mambu. Li kpála du ne engú ne kilí e-e, ani de mbu li ani maka Ngámá ambu nani li yi lie-o. <sup>14</sup> Bhú ndu 'ngá bhomu-o hana-a, yi du ne mukunda s̄nda yi, anga mukunda ne ekpú inde ngagbite yi bhú dabilí bini. <sup>15</sup> A ayo me guo 'ngá gba Ebhe-e sí kati e li bua yi. Ebhe a'i yi kabula guo 'ngá ang-o me yi du bhú koli kate bini. Yi du okpála inde ngagie heni pí Ebhe. <sup>16</sup> A ayo me eli gba Kilisito ne obabadha ndu 'ngá gba ani-e hana adu li bua yi. Yi suno ongu s̄nda yi, amba yi ha la di líli s̄nda yi ne imbilangə hana. Yi li ndu oetsi hana pí Ebhe ne bua yi hana, di ne nagie heni pí ani. <sup>17</sup> Ndu 'ngá hana inde yi ngamene e, i du bhú nagama 'ngá, i du di-e bhú namene ehe-e, yi mene ne 'li ngámá Yesu, ne nagie heni pí 'Dyi ní Ebhe li pápá gba ani.

Engú inde a ayo me omabhuka kpata e bhú mukobho na mbia-o

<sup>18</sup> Ngayi olisi-e, yi manga obhosi gba yi-e mamanga maka a ayo lie me yi mene kala Ngámá-o. <sup>19</sup> Ngayi obhosi-e, yi du ne mukunda pí olisi gba yi-o. Yi aná bhúla yi pí uo de. <sup>20</sup> Ngayi ongisí-e, yi mene líli gba okpála inde azu yi-e bhú ndu 'ngá hana. Padhá de, anga

a bhomu-o engú inde li Ngámá akúnda e-o. <sup>21</sup> Ngayi odyi ongisi-e, yi adú nambembe bhú 'ndji ongisi gba yi-e de, amba bua uo asía ndala de.

<sup>22</sup> Ngayi obalise-e, yi mene líli gba omakúlasí yi píla doto bhú ndu 'ngú hana. Yi améne bha bini lí nedhinga u nde ngalila yi lie ngubula me u ziba yi-e de. Engú bini, yi mene líli gba uo-o ne bua bini kabula yi ngamanga Ngámá lie-o. <sup>23</sup> Bhú ndu 'ngú hana yi nde ngamene e, yi mene ne bádha bua mūgito me yi ngamemene pí Ngámá. A aú lie de me yi amene pí kpála de. <sup>24</sup> Yi mbíla ndjindji me Ngámá ahá makalá pí yi maha. Yi asía bádha 'ngú inde aní a'o e pí okpála gba e masia. Padhá de, anga Músuno na kúkulu inde yi ngamene kulu pí e-e, a ko Kilisito. <sup>25</sup> Engú bini, kpála inde amemene sítí 'ngú-o, asía makalá na sítí 'ngú gba e-o. Padhá de, anga Ebhe gbogbo bhúsu okpála de.

**4** <sup>1</sup> Ngayi omakúlasí okpála-a, yi mene obalise gba yi-e ndjindji. Yi du di pí uo ne \*ngbílí 'ngú. Yi mbíla ndjindji me ngayi-e, a di ka yi ne Makúla yi inde abhálá.

#### Líli pí omabhuka

<sup>2</sup> Yi gbite líyí lí mayo. Yi du lí zuku bhú nayo Ebhe ne nagie heni pí aní. <sup>3</sup> Bhú mayo gba yi-e, yi yo Ebhe di pí ya, amba aní ha kpadji pí ya ngú nakpokpo eli gba aní, di ne nakpokpo engú inde awo<sup>b</sup> lie bhú \*Kilisito-o. Padhá de, anga ma mbíla inde bhú tíkpú kabula 'ngú ango-o. <sup>4</sup> Yi yo ka Ebhe me ma kpokpo 'ngú lí 'ngú inde awo lie bhomu, di ne me ma suno mbámbá maka a ayo lie-o.

<sup>5</sup> Yi dhuku bhú ká okpála inde ne omakílísíto ade-e ne ímbilangu, ne namene kulu ndjindji bhú ndu nedhinga gba yi-e hana. <sup>6</sup> A ayo me 'lí yi du ndu 'kpí hana ndjindji, atí la di lí bua okpála. Yi mbíla líyí ne nagie bádha 'lí pí ndu okpála hana.

#### Polo bhú dabilí bini ne obí e yi omabhuka mayí

<sup>7</sup> Tísíko akpókpo ngalí gba ma pí yi ngae. A ko \*ndai ní na mukúnda, a ko bádha kpála na kulu. A ko kpála na kulu na kúkulu bhú dabilí bini ne ma bhú kulu gba Ngámá-o.

<sup>8</sup> Kaka-a, ma atíma aní ngaani makpe agba yi ngú nakpokpo lele maka ya nde lie pí yi, di me aní to masi bhú yi. <sup>9</sup> U adhuku bhú dabilí bini ne ndai ní na mukúnda inde la di ngbingbílí, Onezime inde sáka yi-o. U akpókpo ndu 'ngú inde ngakodho 'kpí ei-e pí yi hana.

<sup>10</sup> Alísítaluko inde bhú dabilí bini ne ma bhú tíkpú-o, yi yi mayí. A la di-e Maloko, dhongba gba Balanabasi-o. Yi adje engú píndji Maloko adje, i du me aní nde anu agba yi oo, yi de sia aní ndjindji. <sup>11</sup> Yesu, inde u agísíla 'lí e me Djíusítusi-e, yi di yi mayí. Bhú ká omaYuda inde abhuka-a, a ko bha bini okpála bata bhomu, inde ngamene kulu bhú dabilí bini ne ma ngubula \*Nau gba Ebhe-o. U ateteke ma naali.

<sup>12</sup> Epafalasi, inde di ne sáka yi-e, yi yi mayí. Ngaani inde kpála na kulu gba Yesu Kilisito-o, ndala lí nayo Ebhe pí yi de. Aní ngayo Ebhe me yi du omakílísíto na kúkulu, amba yi mene la di ndu 'kpí hana engú inde lí Ebhe akúnda e-o. <sup>13</sup> Ma tí da napa lí aní pí yi me, aní ngadje líkabhu naali pí yi, pí okpála na gúdhú na Laodíka di ne pí obhende na Yelapolísi.<sup>d</sup> <sup>14</sup> Luka, mutia gba ní na mukúnda, di ne Demasi yi yi mayí.

<sup>15</sup> Yi yi ondaise ní na Laodíka di ne obhende na Nímífia bhú dabilí bini ne Dadjua gba Ebhe inde bhú 'tí gba aní-o. <sup>16</sup> I du me yi nde atanga balua inde-e, yi de tíma pí \*omabhuka na Dadjua na Laodíka, amba yi tanga di balua inde ayíe ka uo oo-o. <sup>17</sup> Yi pa pí Alúkipo me: «Mene kulu gba Ngámá inde u a'o e sakpa mu-o ndjindji.»

<sup>18</sup> Ma aye engú nayí yi bhomu-o ngama ne 'kpa ma makpe. Ma ayí yi mayí. Yi a'fíli 'to yi de me ma bhú tíkpú-o de. A ayo me \*bádha bhú 'bu gba Ebhe-e du bhú dabilí bini ne yi.

<sup>b</sup>4:3 Engú inde awo lie: A ko ngalí gba Ebhe inde u mbíla nga nani e kalanu de-o. Ngalí ango-o, a ko Kilisito.

<sup>d</sup>4:13 Ogúdhú bhísi inde-e, a de gúdhú na Kolosai.